

Í aðalskipulagi er sett fram stefna um þróun borgarinnar til langrar framtíðar. Í aðalskipulagi er ákveðið hvar íbúðarhverfin og atvinnusvæðin eiga að vera, hvar nýjar götur og stígar liggja og hvaða svæði verða tekin frá til útivistar.

Reykjavík er ung borg og vöxtur hennar hefur verið ör undanfarna áratugi. Megináherslan í aðalskipulagi undanfarinna ára hefur verið að skapa skilyrði fyrir áframhaldandi vöxt borgarinnar, að tryggja að borgin sé undir það búin að mæta væntanlegri fjölgun íbúa og starfa. Aðalskipulag fjallar þó ekki eingöngu um hvar megi byggja og hversu mikið, heldur einnig um mótun og yfirbragð nýrrí og eldri byggðar. Hverskonar hverfi viljum við skapa? Hvaða ferðamáta viljum við styrkja? Hvaða svæði viljum við vernda? Hvernig tryggjum við umhverfsgæði og aukum aðdráttarafl borgarinnar fyrir nýja íbúa og fyrirtæki? Hvernig við getum gert Reykjavík að enn betri borg?

Nýtt aðalskipulag tekur til tímabilsins 2010-2030 og er endurskoðun á aðalskipulaginu 2001-2024. Endurskoðunin hefur staðið yfir undanfarin ár og hefur falist í margvíslegri greiningarvinnu, mati valkosta og samráði við íbúa og hagsmunaaðila (sjá nánar *C5. Samráð og vinnuferli*). Framtíðarsýnin og markmiðin sem sett eru fram í tillöggunni grundvallast á þessari endurskoðunarvinnu, en byggjast einnig á áður samþykktri stefnumörkun borgarinnar í umhverfis- og samgöngumálum, svo sem Staðardagskrá 21, Samgöngustefnu, Hjólaborginni Reykjavík, Loftslags- og loftgæðastefnu Reykjavíkur og Umhverfis- og auðlindastefnu. Við mótun framtíðarsýnarinnar hefur ennfremur verið horft til Sóknaráætlunar Reykjavíkur 2020, sóknaráætlunar fyrir Island 20/20, vinnu við langtíma fjárhagsáætlun og mótunar atvinnustefnu fyrir borgina.

Gott samráð við íbúa og hagsmunaaðila er forsenda við aðalskipulagið var kynnt formlega haustið 2009 voru haldnir hugmyndafundir í öllum hverfum borgarinnar. Á þeim fundum komu fram fjölmargar hugmyndir og sjónarmið frá íbúum borgarinnar og hafa þau haft áhrif á mótun tillögunnar. Í mars og apríl 2012 voru fyrstu drög að nýju aðalskipulagi síðan kynnt fyrir íbúum borgarinnar. Haldnir voru á ný opnir fundir í öllum hverfum, kynntar megináherslur í nýja aðalskipulaginu og breytingar sem mestu skipta fyrir hvert hverfi, og hlustað eftir sjónarmiðum íbúa. Sumarið 2012 voru lögð fram fyrstu drög að heildstæðri tillögu að nýju aðalskipulagi. Á haustmánuðum 2012 voru drögin til umfjöllunar innan borgarinnar í nefndum, ráðum og öðrum borgarstofnunum. Á fyrstu mánuðum ársins 2013 voru drögin til frekari umfjöllunar í borgarráði og borgarstjórn, þar sem aðalskipulagið var rætt kafla fyrir kafla. Samhliða því var unnið að breytingum á svæðisskipulagi höfuðborgarsvæðisins og hafa þær breytingar verið samþykktar af öllum sveitarstjórnum.

Aðalskipulagsvinnan hefur farið fram undir forystu stýrihóps sem skipaður er fulltrúum frá bæði meiri- og minnihluta í borgarstjórn. Í stýrihópnum voru Páll Hjaltason formaður, Elsa Hrafnhildur Yeoman, Gísli Marteinn Baldursson, Hjálmar Sveinsson, Hólmfríður Jónsdóttir, Jórunn Frímannsdóttir, Júlíus Vífill Ingvarsson, Kristín Soffía Jónsdóttir, Sverrir Bollason og Torfi Hjartarson (sjá skipan fyrri stýrihópa í *C5. Samráð og vinnuferli*).

Umhverfis- og skipulagssvið hefur yfirumsjón með verkefninu í samstarfi við önnur svið borgarinnar. Á umhverfis- og skipulagssviði komu einkum að vinnunni Ágústa Sveinbjörnsdóttir deildarstjóri deiliskipulags, Árný Sigurðardóttir heilbrigðisfulltrúi, Björn Axelsson

skipulagsfulltrúi, Eygerður Margrétardóttir deildarstjóri umhverfis- og úrgangsstjórnunar, Halldóra Hrólfsdóttir skipulagsfræðingur, Haraldur Sigurðsson verkefnisstjóri aðalskipulags, Helga Björk Laxdal yfirlögræðingur (nú skrifstofustjóri borgarstjórnar), Hermann Georg Gunnlaugsson landslagsarkitekt, Hrönn Hrafnadóttir verkefnisstjóri umhverfis- og auðlindastefnu, Ólafur Bjarnason samgöngustjóri, Ólöf Örvarsdóttir sviðsstjóri og bórarinn Jón Jóhannsson verkefnisstjóri landupplýsinga.

VSÓ-ráðgjöf hefur haft umsjón með umhverfismati aðalskipulagsins og gert umferðarspár. Fjölmargir ráðgjafar hafa aðstoðað við mörkun stefnu í einstökum málaflökkum. Þar á meðal voru Anna María Bogadóttir arkitekt og menningarfræðingur sem vann kaflann Miðborgin, Halldóra Vífilsdóttir arkitekt sem vann kaflann Gæði byggðar, Salvör Jónsdóttir skipulagsfræðingur sem vann kaflann Borgarbúskapur, Hjörleifur Stefánsson, Pétur H. Ármannsson, Margrét Þormar og Nikulás Úlfar Másson arkitektur og Guðný Gerður Gunnarsdóttir borgarminjavörður sem veittu ráðgjöf við undirbúning borgarverndarstefnu, Björn Guðbrandsson arkitekt sem veitti ráðgjöf við stefnu um vistvæn hverfi og vinnuhópur Skógræktarfélags Reykjavíkur sem veittu ráðgjöf við stefnumótun um borgarskógrækt (sjá nánar *C5. Samráð og vinnuferli*). Ráðgjafar frá Netspori undirbyggju íbúafundi í hverfunum haustið 2009 og vorið 2012 og komu að fleiri þáttum í samráðsferlinu. Mördur Árnason íslenskufræðingur annaðist málfarsráðgjöf og yfirlestur.

#### UM VINNUFERLI OG ÁHERSLUBREYTINGAR

Ákvörðun um endurskoðun aðalskipulagsins 2001-2024 (AR2001-2024) var tekin sumarið 2006. Vinnan fór hægt af stað í byrjun en sumarið 2007 var lögð fram

verkefnisáætlun endurskoðunarinnar og lýsing á því hvernig yrði staðið að umhverfismati aðalskipulagsins. Af ýmsum ástæðum gekk endurskoðunin hægar en gert var ráð fyrir og verulegar áherslubreytingar hafa átt sér stað í vinnsluferlinu (sjá nánar *C5. Samráð og vinnuferli*).

Lykilviðfangsefni endurskoðunarinnar, um staðbundna landnotkun og samgöngukerfi, eru í meginatriðum hin sömu og í upphaflegri verkefnisáætlun. Efnisleg meginbreyting felst í aukinni áherslu á þéttingu byggðar og þar með breyttri forgangsröðun svæða. Þessi áherslubreyting er í samræmi við niðurstöðu umhverfismats valkosta til ársins 2050, en því matsferli er lýst í eldri verkefnisáætlun og matslýsingu (sjá *C1. Umhverfisskýrsla*).

Önnur mikilvæg áherslubreyting felst í auknu vægi stefnumörkunar um gæði byggðar og yfirbragð. Ákveðið var að stofna fjölmarga vinnuhópa um sérþeka stefnumörkun aðalskipulagsins, svo sem um gæði í manngerðu umhverfi, borgarvernd, húshæð, vistvæn hverfi, húsnæðisstefnu o.fl. (sjá *C5. Samráð og vinnuferli*). Markmiðið með þessari áherslubreytingu var að tengja betur saman stefnu aðalskipulagsins og ákvarðanir á neðri skipulagsstigum - að gera aðalskipulagið að öflugra stjórnæki.

Áðrar áherslubreytingar varða einkum vinnulag við aðalskipulagið og framsetningu þess. Þar vegur þyngst ákvörðun um ítarlegt samráð við íbúa. Það fór meðal annars fram í opnum húsum og á hugmyndaþingum í öllum tíu hverfum borgarinnar í lok árs 2009 og svo aftur á kynningarfundum vorið 2012. Þetta vinnulag við samráð leiddi til þess að ákveðið var að setja fram aðalskipulagið með mun skýrari og ítarlegri hætti fyrir hverfi borgarinnar en áður hefur tíðkast. Þá er gerð grein fyrir aðalskipulagi

hvers borgarhverfis í sérstökum kafla (sjá *B. Skipulag borgarhluta*). Þessi framsetning er liður í því að færa aðalskipulagið nær íbúunum og bæta upplýsingagjöf til þeirra.

Þessar áherslubreytingar hafa gert það að verkum að endurskoðun aðalskipulagsins hefur orðið mun umfangsmeira verkefni en áformað var í upphafi. Framsetning aðalskipulagsins verður fyrir vikið mun metnaðarfullri og tillagan felur í sér róttækar og djarfar breytingar frá stefnu AR2001-2024. Vinnan við nýtt aðalskipulag hefur dregist nokkuð á langinn af þessum sökum, sem er óheppilegt, en aukinn umfjöllunartími hefur hins vegar valdið því að áherslur og hugmyndir hafa fengið meiri yfirlegu og náð að þroskast og þróast áður en þær voru settar fram sem fullmótaðar tillögur. Endurskoðun aðalskipulagsins er líka ákveðið lærdómsferli fyrir þá sem að því koma og vinnan hefur haft mótandi áhrif á umfjöllun um einstök skipulagsverkefni og afgreiðslu þeirra á undanförmum misserum.

#### SAMRÆMI VIÐ SVÆÐISSKIPULAG HÖFUÐBORGARSVÆÐISINS

Þar sem sýnt var að heildarendurskoðað svæðisskipulag fyrir höfuðborgarsvæðið lægi ekki fyrir fyrr en eftir nokkur ár, var tillaga að breytingum á núverandi svæðisskipulagi 2001-2024 kynnt og afgreidd samhliða nýju aðalskipulagi Reykjavíkur 2010-2030. Nýtt aðalskipulag nær til ársins 2030 en svæðisskipulagið verður áfram með lokaárið 2024, og er þess vegna gerð sérstök grein fyrir þróun í Reykjavík til ársins 2024, miðað við forsendur nýs aðalskipulags, og sú þróun borin saman við forsendur gildandi svæðisskipulags. Lýsing svæðisskipulagsbreytingar var samþykkt í svæðisskipulagsnefnd um mitt ár

2011. Drög að svæðisskipulagsbreytingu voru kynnt, sbr. 2. mgr. 23. gr. skipulagslaga, vorið 2013. Breytingin var samþykkt í auglýsingu snemma sumars 2013 og auglýst samhliða aðalskipulagstillögunni. Aðildarsveitarfélögin á höfuðborgarsvæðinu samþykktu svæðisskipulagsbreytinguna til staðfestingar í lok árs 2013.

Tillaga að nýju aðalskipulagi fyrir Reykjavík er í öllum meginatriðum í samræmi við stefnu gildandi svæðisskipulags um byggðaþróun á höfuðborgarsvæðinu. Leiðarljós um þróun byggðar eru í samræmi við stefnumörkun svæðisskipulagsins um sjálfbæra þróun, þéttingu byggðar, verndarsvæði og græna trefilinn. Áætlanir aðalskipulagsins um vöxt Reykjavíkur og höfuðborgarsvæðisins til ársins 2024 og 2030, um heildarfjölda íbúða og byggingarmagn atvinnuhúsnæðis, eru í samræmi við meginforsendur svæðisskipulagsins. Helsta breytingin felst í aukinni áherslu á þéttingu byggðar á skipulagstímabilinu, og hefur hún í för með sér breytta forgangsröðun svæða innan Reykjavíkur (sjá nánar *C7. Samræmi við aðrar áætlanir*).

# Um nýtt aðalskipulag





